

詒安堂詩初稿

詒安堂初稿卷六

寄深寫遠齋下卷

上海王慶勳叔彝著

立秋日同季平作

烈日如焚已浹旬一宵涼雨洗炎塵江邊草色碧於水陌上花枝長過人蟋蟀又添秋士感梧楫暫息老農身閒懷不爲飄梧葉自有清愁領畧真

夜泊荒村同季平薇洲兩弟作

暮潮猶未上古渡暫維舟雨歇雲光薄江空月色遒亂難遮似嶺叢荻響成秋且釋無聊感挑燈話舊遊

題幽節圖

并序

節母徐氏適吳君海天結褵甫三載而寡遺腹得

男氏守志撫孤二十二載歿年四十有六嘗手植
庭竹以勵已節孤子傳久痛其母之遽背也繪圖
志感客有持以索題者爲作是詩

西風吹老淚痕酸應許湘娥一例看莫怪人生多失意福
先修到鹿門難

緣短方知夢易銷貞魂還倩綠雲招分明寫出孤鸞影不
付人間作鳳簫

舟次晚飲同甘允之作

艤櫂逢初霽遊人散夕暉艷舒天女錦涼上酒人衣月色
籠雲淡星芒映水稀今宵憑買醉遣夢欸柴扉

自嘲

生性耽疏懶年年息影居僻尋花外徑亂疊案頭書對月
意還得看雲心自舒傳家有僅約相較興何如

施友竹舅氏齋中夜話有感

回首兒時事匆匆二十年家無田一稜秋老屋三椽難忘
青燈戀曾邀白髮憐低頭惟有淚夢影歎從前

月夜放舟

月出風初定澄波萬頃平客心憐獨夜秋氣戰孤城岸闌
疑無渡江空聽有聲漁舟歌水調宛轉應殘更

黃渡

綠柳圍環處深藏屋數千隔江搖酒旆近市開漁船橋束
水爭路炊遲林滃煙海潮流不到岸脚漾清漣

夜泊綠葭浜聽鄉人話農家事甚悉

太息農家苦傳來語動情稻田猶望雨花隴轉祈晴人望
原難愜天心豈不平儉勤垂古誠窮達莫能爭

崑山道中卽目

嵐影蜂腰合江流燕尾分榴聲穿市出人語隔烟聞樹禿
儼成叟峰遙疑化雲推蓬欣得句吟向白鷗羣

沙河舟次

湖寬水偏淺阻路石何頑樹影覆低岸波光涵遠山沙明
驚雁宿風定覺鷗閒指點蒼茫裏漁舟數往還

晨過吳門

寒氣凌人是曉風扁舟吹送到吳中女牆深鎖密烟碧柳

剝週遮塋影紅斷續山光連震澤蜿蜒水勢接垂虹綠楊
斜抱橫塘曲幾訝前溪路不通

橫塘

櫂入橋來便改觀柳風低壓水聲寒貪看山好嫌舟速悟
得詩多下筆難路僻野花皆有景心閒村酒亦增歡且憑
吟管殷勤寫畱取他時當畫看

同薇洲遊烏獲山純陽閣

一徑入深竹豁然仙境開庭撐百年樹瀑吼半山雷是處
多花木何人闢草萊客來僧煮茗翻惹鶴驚猜

木瀆

垂楊青不斷樹杪出孤村山缺畱雲補泉流挾雨奔煙光

迷松尾塢影落橋門如此林塘靜何來近市喧

肩輿上穹窿山

千盤山曲折來往筍輿勞夾道松陰密參天石壁高碧雲
扶屐底丹閣擁林梢欲借荆關筆圖成氣勢豪

茅蓬

孤峯高插天中有仙人境不辭攀援勞支筇探異景覓徑
穿蓬蒿愈入愈奇警路仄走不前石滑步難騁回視前來
蹤直下已如井宛轉學螺旋雙目難容逞小憩茅庵中驚
魂始漸醒踏破白雲窩不覺衣裳冷

山上早起

隱隱天雞初破曉輕風吹散氣氤氳鐘聲敲醒前宵夢曙

色分開隔嶺雲烟外浮嵐多異景窻前老桂送奇芬擬尋
古洞神仙跡冷露漙漙滑蕚紋

望太湖

太湖汪洋三萬六千頃七十二峯環繞浮空青湖光山色
兩奇絕歎雲泄霧通神靈我來秋水正奔赴葉葉蒲帆迷
野渡欲行不行舟難前捕魚巨網連江布羨殺江頭垂釣
人生涯占盡烟波趣溟濛一氣包乾坤倏忽千態變朝暮
君不見東南大澤不擇流千支萬派淘清秋憑高一覽發
長嘯置身如在雲上頭

登上茅峯

層層青嶂鬱崔巍俯瞰湖光水一杯危磴盤旋穿樹入輕

興宛轉踏雲來頓時已覺塵懷滌到此真教眼界開誰躡
石梯題險句讓他繡徧古莓苔

靈巖山

維舟靈巖麓策杖靈巖峯峯勢迴抱濤響澗底松蠟屐
不知倦雨濕興益濃古寺踞山頂萬樹圍垣墉浮屠倚天
表一半濃雲封目眩湖中山不辨青芙蓉日暮鬱秋氣積
翠浮重重暝色鎖林木隔斷前山鐘

望支硎天平欲遊范墳不果

山光青不斷令我神先馳重巒遙逗客獻狀何離奇支硎
隱其內天平如藩籬嵐光落襟袖黛色侵鬚眉中有大賢
墓萬笏森朝儀我欲叩靈境偏似尼阻之始歎造化狡空

引人難思可望不可卽但自恣嶮崎遊山尙如此奚況太
字爲

木瀆卽景

一峯才過一峯回眞把奇山飽看來遠岫迎人如淺笑畫
樓倒影入深杯林梢紅樹經霜綻櫓背黃花向日開筍笠
芒鞋漁父樂詩情肯爲夕陽催

同薇洲遊端園

到此倍幽寂來消半日閒門前懸怪石窻隙補遙山打槳
驚魚起彈琴引鶴還靈巖青似睇招客夕陽間

閭門訪楊筱英不值

落日金閨路和烟扣竹扉閒蹤隨鶴杳舊約與花違莫慰

傾樽念空勞載月歸重陽風雨近怕負蟹螯肥

季平弟有詩寄懷同薇洲和韻却寄

難忘對榻月明時小別鄉園繫夢思燈下蟲聲雲外雁催
成今夜感懷詩

屈指初冬好卸裘輕舟今正泊橫塘滿腔別緒從何寫開
把詩心寄夕陽

同行有約願難酬小病無端不自由名勝尚多探未盡他

時畱共卯君遊

弟適莊作
故未偕遊

嫩涼天與滌微疴瘦骨支離近若何可許我詩同七發賽

他靈藥幾分多

柬俞子愚丈

海上風流賀季真金閨亭畔寄閒身
畫船載酒山塘路蠟屐尋詩野寺春
一榻琴書朝潤雨五湖煙水夜牽蘿
黃金散盡頭空白未肯豬肝更累人

沈曉山丈招同周午臺潘次梅沈曉湖沈潤齋暨薇洲弟飲於臨湖水榭

一室團欒酒國春座中半是故鄉人
簾前山亦開青眼檻外苔先襯綠茵
觴政頻更宵自短詩題太好句難新
樽開北海情真重談笑渾忘孰主賓

山塘卽景

樓臺金碧映山光羅綺輕籠露氣涼
明月在天人在鏡玉簫風咽木樨香

畫船爭向板橋停
沸耳笙歌倚醉聽
紅燭千枝團照處
隨波盞作一溪星

蟾輝隱隱過西牆
多少遊人入醉鄉
剩有隔湖簾影裏
自携銀燭繡鴛鴦

舟夜

一繩寒雁外鄉思
共秋深風雨孤舟客
江湖獨夜心愁腸
和浪感詩夢逐煙沈
無限樓遲感西風急
碁碁

崑山

結伴訪名山松下得
山路嵐翠涼撲人
林亭莽奔赴奇石
突欲飛古藤還絡住
更觀文筆峯卓立
最高處誰與揮雲
烟寫向天公訴我
擬倒持之書弔二陸賦

舟中同曉翁薇洲夜飲

共酌樽中酒高談破寂寥
帆添風力勁夢逐水聲遙
養病只宜靜有才何可驕
詩愁淘不盡又爲月光撩

綠葭浜

溪橋新雨後芳草綠痕齊
塔影樹中黯山光雲外低
村來聞吠犬炊罷聽鳴雞
竹徑何幽寂應多靜者棲

題止止上人僧歸月下圖

瓶盃歸來晚前溪月滿林
散花秋衲破踏葉寺門深
禪可當頭悟詩還信口吟
推敲應早辨何待苦研尋

漫興

那須知己苦推尋且約閒雲作賞音
春酒醇如佳士性秋

花酸寫美人心傳來書抵千金璧
刪後詩同百衲琴媿我身
蕭穎士偏勞奴解愛才深

江村晚步

楊柳沿堤碧寒蟬咽落暉家貧籬作壁
樹老蘚爲衣月色淡遙水燈光明
釣磯渡頭孤艇寂一犬吠人歸

柬顧仙莊

雲杏

滿屋閒愁那許收烟波來放五湖舟
未除豪氣猶懸劍已淡名心不畏秋
獨鶴只將冰雪守飛鴻偏爲稻梁謀
鄭虔三絕流傳徧不媿家聲顧虎頭

過廢園

尚有園丁守能傳主姓名屋傾蘿莫補垣
破蘚仍生芳草

舊遊路夕陽無限情女牆殘缺處剩有斷峯迎

吳淞卽景

欲訪袁公壘扁舟信晚風潮回漁艇合港曲板橋通新月
窺遙樹輕寒逼短篷凍雲不成雪淡映夕陽紅

輓曹杏垞丈

記同醉倒菊花前不信真成永別筵藥石難醫三月病形骸爭奈百憂煎劉蕡有策終違俗伯道無兒欲問天何肉
周妻都是累百年心計總堪憐

贈陳雪舫

由來敦品士大半拙謀生湖海有豪氣鬚眉無俗情誰遺
臣劓米徧噪奕秋名一醉蘭陵酒陶然百慮清

題張福田女史體親樓詩爲其尊人綺石丈作

掃盡鉛華習聰明偶見之居然才子筆不信女郎詩月是前身果心虛一字師門庭風雅盛詠絮想當時

楊母史太孺人節孝詩

古來不朽事女子重節烈烈固不易爲節亦不輕說卓哉史孺人居然巾幗傑早歲孀宏農無端鸞鏡缺三復栢舟詩椎心惟泣血之死矢靡他皦日誓同穴有子念劬勞誦芬志芳潔大吏爲褒揚 綸音旌綽褱春秋祀典崇姓氏表貞石作詩播清徽石爛名不滅

寄子良

寄我京華詩字字皆研鍊悔不同君遊一識關山面關山

何迢迢掩卷愁相撩縮地苦無術對此空良宵良宵圓月
共千里寒輝凍不知冀北人可有江南夢

冬日漫興

斗室爐圍暖窗前凍硯融霜凝檐瓦白林露寺牆紅雲釀
一天雪葉號千樹風村翁饒野興醉語竹亭中

己亥元旦試筆同聽翁作

一覺東風夢梅花放已齊祥雲開曉日微雨潤春泥得酒
添豪興談詩憶舊題兒童愛爆竹爭路到長堤

陪郁彝齋師珠來閣卽日

風滌滿襟秋攬潮冷逼樓山光千樹奪海氣一樽收嶺峭
穿林出雲孤抱檻流高懷思往哲遺墨至今留

額舊爲曹
劍亭侍御

題

題金梅岑丈詩後

袖得凌雲筆一枝世間曾有幾心知西湖煙水揚州月分
付奚囊好護持

春暮書懷

柳彈鶯嬌興狂賒亂紅飛舞赤城霞閉門檢點新詩卷一
半閒愁爲落花

槎溪舟次

野色渾難盡清和景最工時逢蒲夏節涼愛麥秋風家指
青帘外門遮綠樹中朗吟新得句花落硯池紅

己亥四月隨侍 家大人奉 先伯祖春泉公 先

大父輯庭公神主入祀孝悌祠禮成敬賦

飛來鳳詔五雲邊
百行原惟孝友先
一字褒兼旌母節
千秋祀並表鄉賢
璫篋自昔名何媿
俎豆從今禮益虔
好紀君恩懷祖德
詩成儼恪告重泉

讀顧韋人丈近稿卽以寄懷

苦吟夜夜聳山眉
蓮漏聽殘總未眠
嶽色河聲新樂府
茶烟琴韻小遊仙
秋風易觸他鄉夢
春雨難消往日緣
信有鹿門偕隱福
肯教猿鶴笑林泉

甘彝齋妻弟挽詩

竟阮斯人壽俄銷
劫一巡弱空憐稚子
痛轉累衰親雅抱
情猶昨名場迹已陳
夜臺無酒國底事忽羈身

絕似離騷裔靈均一樣愁
致於黃墟悲夕照白鶴失仙儔
性愛飼鶴怕過停棺處曾同秉燭遊
那堪鄰舍笛吹到五更頭

夏日卽景

謝客客稀至庭前盡綠苔
蟬聲喧日出蟲語逼秋來
穿葉鳥相狎迎風蝶自回
日長忙不了修竹手親栽

立秋後二日作

庭院淡如水輕颺涼入樓
清樽堪侑月多竹易成秋
花氣消風露星光泥斗牛
欲眠眠不得梧葉正催愁

輓徐芸窻

撒手紅塵去匆匆廿四年
書猶扶病讀心祇被愁牽到死
名還戀驚人句足傳舊曾遊
覽處何忍聽啼鴉

潘恕齋丈

鍾

以瘞琴銘拓本持贈是銘於嘉慶初吳

門人掘地得古塚有石刻云云顯慶爲唐高宗年

號計此碑距今千餘年矣爰書於後

土花一碧經千年依然鐵畫銀鈎全不是神靈默呵護碑
殘碣斷銷荒烟物之隱見各有數一朝掘出由古墓金徽
玉軫盡無存石爲泥封獨完固多感吳中好事人撫摩如
獲連城珍金經一卷同摹出絕代情文妙入神此事由來
亦甚異想因作者精英寄一杯聊自酌斯銘彈琴更爲招
魂至

夜泊

向晚舟停泊吳歌入遠邨寥天星可數深樹月無痕波定

鷗眠穩更聞犬吠喧機聲和榜響相應滿柴門

寄懷家竹侯比部 永基

魚雁浮沈信太遲燈前夜夜憶心知雲山入夢三千里風
雨煎愁十二時渺渺綠波勞悵望盈盈紅豆費相思愛才
心勝前人否到處孤寒有項斯

綴許墅關夜雨

篷青瀟瀟雨更深灑未停濕雲圍岸黑殘夢逼燈青夜永
沈街柝風光颭塢鈴隣舟歌水調倚枕不堪聽

梁溪道中

天際殘星落輕帆片葉過野花浮白鷺秋色冷青螺牧笛
隔林起漁簪臨水多江鄉幽賞愜澄練渺煙波

毘陵夜泊

皇華亭畔夜停舟，鄉思茫茫感白鷗。
蓬背壓低孤客夢，角聲吹老一城秋。
疏燈隔水明江店，涼月涵空浸戍樓。
多少寒蟲鳴草際，替誰如此訴離愁。

丹陽

語音聽漸異，前路指丹陽。
江直竟如矢，岸高還過檣。
榜人爭拾草，客感動離鄉。
近城香草極多，以其愈遠愈香，故又名離鄉草。
此地城尤古，野花明堞牆。

京口

孤櫂出京口，長江如帶環。
烟沈瓜步樹，雲鎖秣陵山。
吳楚青千里，金焦翠一灣。
曉風吹客袂，容與荻蘆間。

新開河卽目

江自岷山來洪波直奔注避險濬此河庶免風濤怖豈知
兩岸田易觸蛟龍怒今年梅雨多江水灌如澍堤高猶可
防堤低焉能護民命不自保田沒以億數我來水已消猶
淹高資渡汪洋接大江樹頭飛白鷺粒米不能收屋破人
難住纖柁問村人老農悉悲數同是江邊人空作豐年慕
月夜泊龍潭

挂出山腰月湖光碧有痕雲攔千里夢柳抱數家卽睡醒
聞雞唱峯危訝虎蹲柝聲傳驛路江勢扼重門

渡江

朝發京江口暮宿龍潭驛棲霞山色船頭橫江流東去連

天白一舟纔解羣舟開江聲滾滾轟成雷眾峯則另立水
面篙師奮勇趨山來山風挾浪浪橫捲亂濤腥裏舟如蘭
柁樓忽換好風來截流竟渡帆隨轉轉帆一逕入蘆灣風
利渾忘上水艱舟利宛同弦上矢駕潮直射眼前山

金陵

鐵板銅琶賦壯遊扁舟來訪秣陵秋江花江草閒如故祇
有青山識舊愁

莫愁湖

波光如鏡女牆環鏡裏分明現翠鬟蟬髻尚畱當日影
有石刻蛾眉曾仿隔湖山劇憐騷客騎鯨去舒鐵雲孝廉
小像不見詞人化鶴還吾鄉蔣仲纓丈有勝地風流推第一
遊莫愁湖詩極佳

殷蕭索夕陽閒

靈谷寺

亂峯深處叩禪關
塏影凌空倚碧鬟
濤捲寒松青入寺
雲連新竹翠遮山
飛鴉似導行人疾
睡鶴平分倦衲閒
此地誌公畱異跡
至今三絕重人寰

寺有三絕碑卽誌公像吳道子畫李太白贊顏魯公

也書

秦淮

丁字簾前畫舫閒
桃根桃葉任人猜
一奩秋水明于鏡
照過美人多少來

遠近燈光徹夜燒
水窗深處酒兵驕
笛聲吹出空中月
誰問當年舊板橋

陪鍾伯陽師同張儼山沈曉湖甘允之遊清凉山登

翠微亭

來上翠微亭羣峯簇畫屏江光飛練白山色抱城青全攬
金陵勝曾經玉輦停夕陽閒似舊不見藕花馨

亭爲南唐
後主避暑
處

隨園弔袁子才先生

疏籬香隱豆花叢大好亭臺位置工一代文章誰繼此六
朝風月竟歸公奇才何止詩名重清福應難世上同循吏
儒林都不媿休將放誕責英雄

閨中四詠步伯陽師韻

午夜龍門啟紅燈萬點齊當年曾繫壁此夕得分藜燭影

看冲斗文光認聚奎三條原不惜照耀列東西

號燈

真似蜂窠密深藏不自由形拘心地縛思苦面牆搜僅許

容雙膝何難出一頭比隣通姓氏臭味總相投

號舍

勞甚携家具人人類擔簦各懷投筆志都作打包僧力豈

提携慣情偏負戴能尋常鹽米物貯此也名增

考簞

葉聽春蠶食功名筆底收生花曾入夢脫穎或無憂陣可

千軍掃絲兼五夜抽繪雲兼繪日封爾管城侯

考筆

八月十四日夜闌中卽景

一紙題初到傳呼夢亦驚燈光遙共接人語雜難明衣恐

新涼襲茶先活火烹安排新筆硯鼙鼓正三更

月夜泊燕子磯懷古

多少歸帆出石頭月明如晝此停畱銀燭尚帶春燈賦金粉空餘舊巷愁戰氣蒼涼沈鐵鎖山容孤峭障岑樓澄波夕平於鏡願學髯蘇赤壁遊

天末明渡江至龍潭

長江似練懸清光好風相送浮輕航櫓枝劃破波汪洋魚龍戢影蛟宮藏秋山兩岸排蒼蒼蛾眉入夜如殘妝江風浩浩吹衣涼纖雲捲盡星垂芒瓊樓彷彿開瑤閭數聲老鶴凌虛翔江光天影相低昂霜鐘一杵來何方側耳船底流湯湯依稀百沸喧茶鐺煮殘客夢翻詩腸

句曲道中

句曲多仙觀疏鐘隔嶺聞天心將作雨山氣欲蒸雲潮退

詒安堂初稿卷六

圭

櫓聲漚日斜林影颺亂峯刺霄漢傲兀許誰分

望金山寺有作

金碧樓臺夕照橫妙高峯勢最分明寒濤猶壯英雄氣
淒淒作當年戰鼓聲

泊潤州城外

收帆心乍定忙作晚來餐山色堆篷重江聲裹夢寒
潮和涼月上風帶暮笳酸一宿渾閒事詩情出色難

曉過新豐鎮

沿江雙隻堠客路短長亭帆影貼連岸水光穿入櫺曉山
晴更碧秋草冷彌青四望饒清氣人家戶尚扃

湖陵弔洪稚存先生

沽名太覺擬非倫悟 主原難更惜身敢戀頭顱忘植節
卽論詞賦已傳人迂疏任笑書生習雨露終歸大造仁吟
到草堂風雪句本來孝子是忠臣

寄潘麗亭

冶城話別太匆匆湖海相逢類轉蓬棋子共敲寒夜裏詩
篇細讀廣場中文章契合聯今雨道義磋磨得古風轉瞬
丹成開寶鼎好將尺素寄飛鴻

舟次同伯陽師二樂舅氏恪庭表兄夜話

促膝談今古鄉心一醉消有才能繪日無品陋題橋入火
桐原異論功麥未漂海鵬垂大翼吉語卜扶搖

遊第二泉

山自九龍來地脉湧靈泉靈泉灌輸巧日夕流涓涓潦不見其盈旱仍清且漣取之未嘗竭色味常澄鮮憶昔宋元豐有客來坡仙愛茲水清冽石銚茶可煎吟咏不忍去品論高前賢書法繼魯公韻事終各年後人多好事勝地嘗流連我來一以眺頓覺塵氛蠲龍團香沁齒雨收風回旋也擬調水符他日醫饑涎藉招坡仙魂佑我吟詩緣

惠山雙忠祠觀賀蘭進明鐵足歌

將軍困守睢陽城一腔熱血徒縱橫靈雲不媿奇男子早令奸臣足羞死奸臣進明兵力強坐觀不救何披猖一城老弱噉畧盡活人那及殘屍香世間畢竟有公道頭顱誰許奸臣保生不容誅死鑄形一雙鐵足猶完好嗚呼鐵兮

胡弗像全軀使之階下常囚拘不知鬼蜮何須肖在世心
肝已早無

過無錫追弔馮丈心泉暨胡丈一亭父子

君年方總角襍被來遊滬微利覓蠅頭辛苦佐吾祖三世
話通家畧似居臯廡一曲芙蓉湖願言東道主豈期願未
償墓木各封樹馮子方弱冠胡子亦埋土我來枌社過無
處尋蓬戶姓名人罕知向笛吹何補近者尙如斯遑云遠
千古

楓橋

虹影卧前渡波涵一鏡秋疏林露山脊遠樹閣雲頭水勢
遙憑岸人家半住樓鐘聲應似昔我亦此停舟

山塘

苔繡貞娘墓上碑
蘋蘩來薦五人祠
美人遲暮英雄老
剩有垂楊似舊時

詒安堂初稿卷七

得閒集上

上海王慶勳叔彛著

余素無疾病已亥之冬偶患寒熱臥牀累月然猶未至
大創也庚子秋自省垣歸痰飲暑瘧兩症並發瀕於危
者屢矣殆至冬盡始克痊可茶鐺藥碗無以解倦惟日
事吟咏而已東坡詩云因病得閒良不惡洵先得我心
也遂以名我集云

題齊梅麓太守

彥槐

雙溪草堂詩後

先生富著作筆陣堂堂開經術繼孔賈詞賦追鄒枚詩尤
魄力大自具韓蘇才幼讀黃山句

先生黃海觀雲海
詩爲時所傳誦
紙上

皆崔嵬頓令煙雲色走入毫間來詩律今更細字字成心

裁絢爛化平淡王孟堪追陪一讀一擊節不媿扶輪材誰
識此真趣影臥窗前梅

與聽翁談金陵之勝

虎踞龍盤地夫心息戰爭亂雲京口渡古樹石頭城山送
六朝去花看十里迎騎驢尋舊跡吟不盡詩情

輿中卽景

笳輿行盡市雲鎖碧天寥修竹綠藏屋野花紅到橋疏籬
圍曲曲遠水接迢迢林外清音好風傳何處簫

卽席贈小巖

繞屋扶疎樹幽人遞跡深琴樽消暇日泉石寄閒心書可
埋頭讀詩還擁鼻吟後山門自閉不索世知音

過槎溪留餘堂感悼甘羹齋

夢裏猶疑是別離何堪回首憶當時
垂簾無復敲棋興剪燭曾吟坐雨詩
黃土憐君心未了青衫令我淚難支
秋風開到親栽菊擬更招魂奠一卮

得子良書却寄

十年風雨悵離羣重與愁添日暮雲
聲價除非逢伯樂科名何必預劉蕡
未妨白眼橫施我剩有青山淡似君
幸願新詩頻見寄對花還當與香薰

陪葛二樂舅氏胡琴南張儼山陸硯卿泛舟至茸城
扁舟載酒欲何之結伴來尋畫裏詩
夾岸野花爭道立枯天荒草背風馳
山從樹影青邊隱雲入江光白處遲
難得

今宵閒買醉一九涼月浴金卮

訪袁海叟墓

夾道荆榛沒墓碑寒泉欲薦轉含悲此身曾歷紅羊劫餘
事偏傳白燕詩大海鰻魚容走却故山猿鶴易相思歸田
竟伴青山老贏得家家唱竹枝

拜方正學像

十族刑何慘儒生命不辰讀書眞種子守正古完人碧血
留千載丹心照萬春最憐瓜蔓者姓氏半沉淪

瞿子治丈招同張春水沈少山喬鷺洲金梅岑朱春

坪郁泰峯諸丈暨仁伯家孟小集

嚴寒料峭遠重裘十二闌干隱畫樓四面雲山新畫本一

堂金石老風流古梅漸解含春色殘菊猶堪留酒錢
尋常看此會座中名士各千秋

寄陸蒲生丹樓昆仲

只知清白守寂莫兩書生歲月消風雨機雲是弟兄心雖
忘手澤志且寄躬耕雲嶠蒼茫外飛鴻好寄聲

寄沈吟梅明經

迢遞鄉關路艱難菽水謀壯懷憐畫餅遠夢總封侯入幕
才非易從戎筆竟投年年彈鋏淚琬琰不關秋

正月九日雪用東坡先生聚星堂韻

亂鴉團樹濃于葉朔風一夜催成雪放眼群峯盡白頭青
山亦老眞奇絕斯時萬籟禁無聲窗外惟聞竹頻折世路

崎嶇填悉平迷離何止人蹤滅直疑玉龍輶帝京凍鱗振
落尾高舉頓令俗眼眩生花寒封枯樹看冰纈又疑玉帝
恣清談紛紛空裏狂霏屑冷煞人間熱肺腸雲驢風逐何
飄瞥我于此際僵臥難舉杯欲向梅花說爾耐衝寒我耐
吟都合佳名稱老鐵

楊鐵崖嘗自
稱為老鐵

夜坐有懷

不道新年過翻教酒價增花香闌一榻雨冷縮孤燈團聚
懷坡老

謂子
愼

依棲感少陵

謂子
良

擬吟詩寄與寒柝似遙塵

同喬鷺洲丈散步至青蓮菴

長日太無賴春滿城西偏結伴訪蘭若幽趣饒雲煙露
不知處

露香園爲前明顧
氏別墅今卽其址

草沒三百年惟聞琅琅聲一

金經宣苦花綠上牆斜陽紅不鮮老僧頗解事能引詩人
憐梅花種幾樹流豔菩提前東風噓客袂吟興殊蕭然好
持磨詰偈共證詩中禪

送李少雲之滇南

頓作天涯別旗亭酒一卮扁舟挂帆去萬里看雲時聚首
長依月當關不稅詩昆明湖上路應早慰相思

花朝

輕寒輕煖養花天春已平分畫檻前社燕頻窺數椽屋曉
鶯啼破一林煙山城水郭情何限酒榼茶鎗句好聯誰似
翩翩楊柳色銷人魂更惹人憐

柬陳磬樓丈

柳色青如許春風一半過愁隨潮水漲詩比暮雲多剪燭
添豪飲開懷只浩歌無邊芳草色佳句問如何

上巳日豫園卽景

東風吹煖綠楊城遊女如雲畫裏行選勝又逢三月暮看
花難負一春晴經營巢壘來新燕管領韶華有曉鶯最是
泥人情緒事紙鳶聲與賣錫聲

春日省園小步

鳥鳴爭春不厭喧愛尋詩料涉芳園花初放蕊香先烈樹
漸成陰葉已繁新漲綠還拖草岸遙山青欲闔柴門無邊
生意誰同飲且與消磨酒一尊

大塢橋雨夜同聽翁季平作

一棹隨風出疏篷帶雨行波痕雙槳劃桐影九峯橫雲漏
月微露舟來燈遠明濁醪沾一醉客路是歸程

卽景

晝掩柴門鳥自譁小園風景亦繁華東皇不管茅齋冷開
到庭前富貴花

輕風陣陣送餘香蛺蝶成團底事忙此地居然春似海天
桃紅過隔鄰牆

懷韋人丈

有夢來孤枕無書寄遠鴻春歸三泖外人住萬花中對酒
心猶壯談詩筆最工茶煙禪榻畔何日一樽同

梅岑丈招飲南園

飛鷁好趁鑑陽晨笑向東風漉酒巾書帶草蘇前日雨吉
祥花簇滿園春三生誰註蓬萊籍隻手能扶大雅輪悲珠書院
為梅翁所葺倒挽狂瀾豈不易等閒休祇喚詩人

夏日偶詠

蕉影新分綠滿帷曲闌干外晚風吹藕花香靜蟬聲寂爲
戀斜陽錄小詩

感賦次梅岑丈韻

萬古茫茫一縷情胸中嶽起總難平誰言斯世無知己尙
幸今人肯好名方叔文章偏阨命樊川生性愛談兵將軍
猿臂曾何用只把威權向酒爭

卽事書感作此志感

清緣應未結塵俗苦相撩書要福來讀酒惟詩可消事原
如意少才儘任入驕偏慣吟魔擾偷閒首更搔

小病

小病渾閒事真如退院僧貼心惟骨月拘禮畏親朋花事
辜三月名心淡一燈枯禪良有味我本是南能

還倚書爲枕眞疑睡有媒愁和寒意減詩自性靈來漸喜
酒魔退慣聽鐘漏催勞筋欣暫息心傷藥爐開

東蘇子慎

子慎僑寓海上語多牢
愁作詩見示次韻慰之

讀書豈不樂苦無菽水資飢驅出門走僕彼來天涯天涯
詎在遠寸步皆傷離魚書縱易寄歸計良難期顧思負米
遊昔賢嘗有之所貴保眞性不爲紛華移立志在遠大存

心無詐欺平準書熟玩致富當有時毋謂逐末賤亦足光
門楣君不見陶朱與五穀播名天壤人人知何必弦高卜
式不再逢今茲

病起用郭頻伽和東坡餉字韻詩

參苓不是長生藥醫疾還憑空色相掃除煩惱愛枯禪破
愁更有牀頭釀瘦骨支離步履艱自貽伊戚誰分謫開窗
忽透薔薇香觸我詩情蒸一帳晴光直射枕邊來滿屋陽
和生盎盎君不見枚乘七發杜陵詩祛病勝於靈藥餉

東梅翁

颼颼涼風響竹枝俗懷賴有此君醫談詩輒動吟詩興對
酒揮忘病酒時漸覺花開今日少未妨書畚故人遲閒中

清興憑相賭勝負還分一局碁

題畫

水木周遮曲逕遙數間茅屋結峰腰山居猶恐人來訪
招得雲歸護石橋

青山萬疊鬱崔巍古剎連雲傍翠微一抹斜陽紅萬樹
綠雲深處有僧歸

贈張萬春道士

銀雲曲護殿重重叩竹親攜訪赤松唱出步虛詞一曲罷
風吹落碧芙蓉

道根共仰伯陽深壇護風雷氣象森偏許成連同握手海

天深處聽仙音

道士
善琴

同硯農韋人聽壽諸丈小飲

榴花紅處做華筵高會無殊集眾仙況是月逢三五夜豈
容酒客十千錢詩如勇將當挑戰客似枯僧不愛眠一醉
渾忘宵過半自磨香墨又題箋

沈歸愚詩主學力袁簡齋詩主性靈客有摘其語以
交誚者余謂各有偏處亦各有妙處未可全非也
爰作此詩以畜之

詩惟主性情此語堅如鑄學力尤須深遑敢拋竹素但恃
天分高容未嫻法度僅誇鑽研功又恐少妙悟學力兼性
情兩事相比附書味醅醅參詞源汨汨吐貌不古人慕神
與古人赴空疏誠貽譏堆砌亦可惡自留面目真豈效耶

鄴步詩以境而殊論休執之固旣足質通需亦堪解老嫗
兩家語宜兼何容存袒護

舟中卽景

陰陰夾岸野花紅正好歸帆趁曉風細雨影濛青嶂外亂
山頂凸白雲中群鴉側翅開于客老樹低頭秃似翁恨少
米顛來寫照吟詩鎮日倚疏篷

消夏

碧梧高欲與天齊遙送涼風過小溪安得濃陰三十里披
襟立到夕陽西

綠玉千竿繞屋環南窗寂靜似禪關畫師巧借招涼法更
寫蛾眉雪後山

感賦

何心更計馬牛呼身世渾如萬變圖豈有功勛留翰墨也
須清福住江湖雅懷不盡因詩句真性終難薄酒徒一片
閒情消未得頭銜權署種花奴

聞定海警

頓駭機槍逼海氛井教風鶴誤傳聞倉皇竟失陳兵策慷慨
誰收搗穴勲豪氣低能雄一劍空言豈易激三軍書生
胆較元戎壯先已癡籌露布文

排閩

浙東消息忽驚傳火急星符策海船出塞班超誠不及登
樓王粲總堪憐直將鵝鵲煩河伯錯認豚魚是水仙名將

尙留楊業在倘能爭唱凱歌旋

和聽翁有感

光焰騰青史常留萬古名神仙猶有劫草木豈無情尙幸
人心在如聞鬼哭聲總憐迂濶甚敢作不平鳴

卽事和聽翁

形影周旋共小齋詞鋒久喜愜心懷客能飲酒已非俗兒
肯讀書原大佳清夢難禁啼鳥喚閒愁憑付落花埋無端
詩興還催動夜雨瀟瀟滴滿階

俠客行

三更殺氣簷端壓寶劍一雙飛出匣清光直取讎人頭能
使姦雄心胆怯不平之事天下多况今蜃氣驕風波世間

詩多學老不
卷一
小怨何足較許身慎勿輕番番樓船我我滿端蓑就中誰
是好身手斬盡樓蘭靖海氛縱不封侯亦不朽

送熊少懷明府還吳門

竹馬迎君來蒲帆送君去依依萬楊柳遮道作飛絮
蜃樓海上方驕肆不獨生民思吏治小范胸中有甲兵
傳家肯負凌霄志莫向河梁感別離抽刀會有屠鯨時
何當挽住陽春脚定看甘霖車後隨

青浦舟中

櫓聲柔接韻劃破碧漣漪見墟知城近看山喜棹遲
樹遮煙自集橋朽木猶支水市人聲雜停槎貰一卮

渡澱山湖

一望渺無際斯遊疑洞庭雲低浸水白岸削界山青風軟
帆欹影煙消樹現形九峯橫黛處隱約似圍屏

盤門卽景

燈火寂如夢樓臺剩幾家碧銷官渡柳紅瘦女牆花月色
寒孤艇鐘聲急暮鴉卸帆先計候譙鼓近三搥

地近開元寺

同內子小住吳門

賃得皐橋屋闔門當鹿門情深徐孺榻地接庾公園世事
眞難測家常好細論窗前山一角偏送畫眉痕

幾番搔客髩聊與賦棲遲不可居無竹相看壁有詩夢涼
聽雨後愁結望雲時紙閣蘆簾底清閒且任之

寓中漫興

小住三吳地層樓俯水隈偶然遊屐至似爲避兵來客思
驚秋早鄉心逐夢回海氛何日息慨想濟時才

泖湖

萬頃涼波氣吐吞茸城秋色接吳門捕魚艇集江心猶放
鴨船歸枕尾村墟遠紅欄斜日影草荒青壓落潮痕浮家
擬學天隨子免使蘓鱸慨故園

陳湖

四面山圍住中流一畫船斜陽紅過岸遠水碧涵天壯志
曾何益浮家亦可憐狂烽連海甸籌策警防邊

移寓胥門呈楊秋岩姑夫

移家來傍子雲居家具無多意自如易地又成三宿夢東

裝幀少一囊書村通市尾時間犬溪抱城根食有魚聞道
買田陽羨好時有寄居蘭溪之意何時還共結茅廬

萬个簷簷隔院稠蕭蕭分助夜窗幽簾前花影紅窺座郭
外山光綠上樓心戀酒魔聊度日風欺詩骨易驚秋箇中
滋味憑同領何待言愁始欲愁

迎秋曲

日日薰風扇炎毒家家爭唱迎秋曲試問秋從何處來詩
人心上秋先觸桐樹陰分小院多白蓮香淨水初波羅雲
捲盡星河朗纖月新描一曲蛾夜深風露欺衫薄涼意憑
先與夢約蟋蟀今宵莫苦吟還愁驚醒階前鶴

醉中歌東葛恪亭

詩懷曠酒懷壯詩懷酒懷共奔放酒興豪詩興高酒興詩
興如風濤幕天席地不肯止試問先生何戀此先生富言
樂自知世人那得窺其旨悅耳有何聲流泉音最清悅目
有何色庭花手親植眼前之福良足娛紛紛都是愚公愚
但使胸無塵俗物更有何事堪相屈此身已抵西方佛君
不見詩仙酒聖李青蓮太白一星長在天

七夕舟次

容易光陰入早秋如何又放郭門舟劇憐兒女偏絨恨未
必神仙不解愁天上只應雲作幔樹頭剛現月如鉤歸心
頓爲隣船觸隱隱簫聲出柁樓

寶帶橋

路自三江入奩開一鏡明虹光隨岸盡雁齒接堤平殘雨
拖雲脚輕風咽水聲此間垂釣穩我欲結鷗盟

舟次同程霽亭作

茫茫烟水欲何之同是風餐雨宿時開士生涯如鶴冷海
翁心事只鷗知幸無俗見橫胸臆總被閒愁織髣髴悟得
千般皆閱歷從今忍誚古人癡

初秋

今年秋比去年早猶是荷花初放時斜日未歸飛雨驟微
風不動過雲遲舊遊思鼓青溪棹時有訂赴金陵試者新曲閒翻白
石詞適計芥舟丈以詩餘屬校手捲重簾看旅燕影拖涼月到階墀

寄內

秋風已見茁蘭芽別緒難禁歲月賒
質廡梁鴻頻浪迹登樓王粲豈忘家
綠箋一一空緘恨紅豆雙雙又着花
聊寄新詩妝閣裏敢將聲望比秦嘉

漫興

書劍飄零喚奈何且憑忠信涉風波
閒身誰竟與鷗狎名士那堪如鯽多
好作大言終是妄嬾持高論恐流苛
胸中自有蒼涼感莫比尋常酒後歌

吳淞放舟

一路螢光閃秋心相對閒村遙風送
柝樹峭夜疑山櫓轉雁聲脆月斜弓
樣彎浮家師少伯小隱五湖間

淺墩舟次憎蚊

大蚊如鴨語非夸

諺云淺墩蚊子大如鴨

一市雷聲到曉譁寄語嶺

南賢令尹

時邑尊爲廣東人

可能移植夜蘭花

嶺南夜蘭花蚊聞其香輒避去故又

名驚蚊樹

綠葭浜

煙散遙村靜波涵遠樹清夕陽懸塔影新雨助溪聲水氣含迢遞湖痕費送迎倚篷愜幽賞詩共暮雲生

虎邱寺禪堂

寺門深鎖白雲間樓閣青闌翠幾彎魚鳥也如忘色相烟花偏不礙湖山新詩百首客重到清磬一聲僧乍還古佛有情應笑我浮生今日竟偷閒

同內人夜泛山塘

山光遠鎖影層層
七里香風夜色澄
海湧峰前一輪月
水晶宮裏萬枝燈
滿船絃管詩情逗
隔岸樓臺酒氣蒸
且共蓬窗看秋景
歡心清似玉壺冰

客夜

羅衣未許疊巾箱
客感難禁共漏長
待月來時方飲酒
看雲歸去輒思鄉
風吹蟲語三更苦
秋入螢光一點涼
旅况蕭條誰更耐
轉憐隣笛太悠揚

贈內

無端襖被又天涯
故事愁將賃廡誇
桑梓更番憑入夢
米鹽瑣碎賴持家
轉憐瘦骨逾梅影
何止鄉心負菊花
醉墨頻塗翻白媿
較卿濃甚鬢堆鴉

客中呈秋岩姑夫

靜中佳趣且閒嘗好雨分來一味涼
不解憂愁惟古佛最明恩
怨是秋娘杜陵本事傳
詩史殷浩空談媿智囊
措大自應奢願少舉杯憑借醉爲鄉

同彭子儀蘊威散步至滄浪亭

偶然挈伴過橋東恍入王維畫本中
水閣窗涵波影綠酒家旗閃夕陽紅
到門翠接千竿竹倚檻涼撐百尺桐
感舊開尋題壁處苔痕鮮似碧紗籠

題聽翁秋日書感詩後

一戰平蠻觸將軍志孰同
罪言思杜牧大節抵終童
願斬樓蘭首非求定遠功
男兒多壯氣豈盡可憐蟲

富熊少懷明府

學術何曾判古今每於出處費沉吟
官場難得稱強項吏治終須肯用心
荊棘叢中防掣肘絃歌聲裏覓知音
衙齋應料多餘暇山水還宜杖策尋

望錦樓十四韻霖溥太夫子命題

高聳樓千尺低圍水一灣

秋嶼先生有窗掩藤蔭小憩圖

竹籬閒面面花如海重重樹似山
潮看天際轉帆向日邊
還地僻風偏古林深趣自閒
居然揚子宅不數石門關
好語憐黃鳥忘機愛白鵬
桃開仙實大萊煥舞衣斑
高隱宜泉石勞塵遠市園詩書良可味
稼穡共知艱字許侯芭問
情隨李愿嫻有懷寄花月無夢到刀鐶
領取滄浪興休息

玉筍班敢忘桑下宿惜未破堅頑

秋夜

海上秋初到樓頭月又明壯心防鶴笑胃夢費鷗迎風烈
酸飴瀝潮喧散櫓聲夜鴻飛不定寒意滿江城

舟次有感

淨劃波千頃涼分月一船馬牛憑客喚鶯燕替春憐兵氣
浮滄海鄉心墮碧天飄零無限感竟夕不成眠

白鶴江舟次懷楊肖英

秋水遲歸棹西風憶故人文章悲際遇身世感沉淪才大
難爲用詩多不救貧出山原小草豈願作勞薪

莊家涇

漸有三秋景蒹葭兩岸蒼暮潮追浪急驟雨挾風狂烟簇
疑山影帆飛破雁行襟懷增爽甚應許快詩腸

淞南散步

新晴天氣點塵無如此風光似畫圖一抹夕陽紅遠樹三
篙秋水綠平湖芙蓉花外藏拳鷺楊柳陰中看浴鳧何處
笛聲清脆甚吟來詩思未應孤

綴同棣菴泉孫遊豫園

石氣連湖氣斜陽併入秋潮聲爭港出雲影抱城流客訪
花三徑入薰酒一樓溪山真不俗最好是清遊

呈鍾伯陽師

探奇不讓草元亭媿比彭宣許執經自有千秋留筆底苦

吟挑盡一燈青

寶山縣

斗大孤城枕海濱不將甌脫視滄津

近時魏墨生舍人謂宜棄此絕地遷縣治

入承平疏濶籌邊事焦爛艱難守土臣列騎飛揚多虎旅

高塘環拱密魚鱗蔚然花竹知何處

花竹蔚然舊寶山但景也今沒於海

見潮來岫湧銀

胡巷鎮卽事

耀日旌旗接海塘軍威快覩此時張營前射虎三更月水
底屠鯨一劍霜令本如山知法肅士皆挾纊感恩長從今
好慶滄波靜永賴韜鈴鎮遠方

夜渡黃浦

滾滾濤聲壯鳴榔夜截流雲扶一輪月風駕片帆秋孤枕
難成寐疏砧漸搗愁倚蓬閒極目天地亦浮漚

沙湖舟次

風定波如鏡舟輕席當帆嵐光蒸絮帽秋色上羅衫鴻雁
催歸夢魚蝦足老饕腰鑲收穫利借我把愁剗

吳門感興

不少風塵困狗屠誰真賞識到窮途敢因彈鋏輕奇士曾
見吹簫作大夫兩字飢寒容易誤千秋聲價究難誣英雄
自昔垂青史落魄非皆碌碌徒

崑山

桑柘陰中露翠巖一城環抱盡松杉人來野店思沽酒客

倚蓬窗看卸帆夕照分紅醺遠樹波光搖綠蘼輕衫滿天
爽氣眞清絕新月如鈎樹杪銜

舟晚卽景

四圍雲樹合蒼茫祇惜迎眸欠月光雙槳獨衝烟雨濶一
篷閒倚野風香敗荷蕩裡秋先到濃柳陰中水亦涼漁鱗
忽驚船背響扁舟已過致和塘

小坐寄深寫遠齋

秋展蕉陰趣便長綠窗小坐十分涼人因知己常相憶事
不關心每易忘簾仄閒招風入戶樹低遙放月窺牀蟬聲
寂莫空庭晚只讓紅蓮自在香

卽事

三千鐵騎盡貔貅羽檄飛馳仗壯猷將帥甘爲朱伺忍烽
煙遙結杜陵愁短衣射虎非無志中夜聞雞欲借籌講武
堂開軍政肅干城奮勇定封侯

龍華晚眺

塔影懸江起斜陽入遠天潮吞黃歇浦碑剩赤烏年水氣
蒸遙岸鐘聲攔暮煙偶然來小泊詩思妙于仙

詒安堂初稿卷八

得閒集下

上海王慶勳叔彞著

讀陸放翁集有感

未必放翁是頽放曾經義憤志同仇
客遊汗漫償詩債家祭淒涼繫國憂
北闕書曾昭直諫南園記尙惜清流
前身好向梅花認面目還教畫扇留

畝趙二川子蔭昆仲問疾

香鑪茗椀小窗前瘦骨支離百慮捐
病久自能諳藥石樓高非爲慕神仙
風穿破壁尖無賴月漏空庭寂可憐
欲向隣家聊強步還須相約小春天

東蔣霞竹丈寶齡

畫是王摩詰詩如陸放翁江湖多夜雨僕被又秋風落拓
浮雲外淒涼逆旅中清才良不易誰使老琴東

病榻懷人

十年風雨訂鷗盟別恨難堪夢屢驚他日豆棚同話舊料

應多半是春明

鍾子良時
客京師

人窮豈盡爲詩窮幕府今看氣吐虹吟到封侯班定遠願

拋筠管學從戎

楊肖英近依楊太
守幕佐理軍需

年年作客慣他鄉可憶江南徑就荒仰屋著書應幾許定

知名壓魯靈光

蔣一山丈時客山左
有松菊猶存圖照

鸞飄鳳泊感從前雁序分飛別夢牽

令兄立甫
丈客山西負郭憐無

田一頃壻鄉空守舊青氊

蔣少霞丈時依
其婦翁家廖氏

裁紅刻翠唱新詞想見旗亭畫壁時才子風流名士筆畫

眉纔罷畫南枝

姚野橋孝廉工詞善梅花

閩江三月荔枝天官閣開時句共聯一自麻衣千里返那

堪情緒憶當年

陸蒲生丹樓昆仲

騷壇短李舊知名八十猶慳一第名白盡頭顱磨盡墨更

殘還有讀書聲

李復軒丈

湖海論交憶昔年白門秋色落樽前別來風雨知多少禁

得相思只醉眠

潘麗亭常州

題張船山太守寶雞驛題壁詩後

幸早攜家出棧雲忍聽鳥道熾妖氛書生欲獻平戎策上

將方傳諭蜀文金底遊魂稽十載

教匪滋事十年方靖

帳前義旅冠

三軍

桂羅兩軍門皆當時鄉勇出身

班超倘有封侯骨我亦思將筆硯焚

病中雜書

窮年感奔波曷禁風霜受一旦病相侵百疴咸擊掇寒至如飲冰熱來勝飲酒陰陽戰交緩呼吸常鳴吼平時失怡養問是伊誰咎精神爾無搖調攝須討究

天下惟醫書益人匪淺鮮倘真讀百回義理應粗辨薑桂與葭苓一一當掄選上藥何用多要貴善驅遣脈或視不明殺人豈在顯此事宜素諳考鏡時黽勉高臥覺無聊方善檢盧扁世有張仲景敢肆縱橫辯

余方倚張浪三丈醫治

人生天地間何物能持久碌碌媿餘子誰果稱不朽但知富貴榮豈異土木偶所以立志人非關徒自負光陰何足

恃百年成鳥有廊廟與山林此事難空口若竟成虛生大
公豈任咎

惠逆定吉凶名語尙書判二豎本無權人豈懼鬼玩髑髏
工部詩霹靂魔驚散心定神自定毋使方寸亂愈疾無他
術腴理須早汗恙從汗中祛爽氣撲秋漢一笑我依然索
紙弄柔翰寄語採薪人莫以魔爲憚

寄顧韋人丈

偏慚虛訂泐峰遊風雨難消十斛愁知否一燈花影畔轉
緣多病得吟秋

重陽日畱蘇子慎問病

兼旬頽臥寂難堪已負東籬景共探健飯醫將侵藥試瘦

容我對菊花慚禪心漸覺閒中悟世味偏從病裏諧佳節
匆匆牀上過故人應也興難酣

送薇洲弟之青浦

輕暖輕寒九月天登程何事故遲延只因怕動茱萸感待
過重陽始放船

禽齊梅麓山長

輕帆暫雨別江干不盡離情秋又闌豈有文章容媚俗本
來才子愛辭官書名久擅蘇黃譽詩筆還同李杜看未負
買田陽羨願高懷消得水雲寬

柬子慎

逢秋惟臥疾秋盡尙支牀無事得真趣養心原妙方詩還

讀元白藥已熟岐黃何止愁言酒負他籬菊香

題舒鐵雲孝廉瓶水齋詩後

日照丹山彩鳳鳴才華真許拓詩城天涯飽看奇山水吳

會長留舊姓名一部春秋新樂府

集中詠左樂府百首

百蠻風雪老

書生高吟不媿三君詠祭酒當年有定評

法梧門祭酒以先生配孫太史

原湘王孝廉仲瞿爲三君詠

寄雷硯農丈

雁陣破空橫秋風轉瞬更高吟同賞雨痛飲快論兵壯志
寒長劍雄心老短檠請纓原白面感慨棄繻生

讀厲樊榭徵君詩

香山雅望重雞林紙上都成白雪音兩浙騷壇無敵手一

時才子任傾心秦淮風月淒清甚葛嶺煙雲寄託深秋絕
南湖雙槳地美人名士不堪尋

甯薇洲

宛似閉深山寂無人叩關新詩聊解倦小隱藉偷閒夢墜
孤燈後秋深一枕閒紙窗兼竹屋俗慮却全刪

感賦

愁說干戈海外侵洗兵且喜得甘霖讀書漫作封侯想看
劍能豪殺賊心要與盧循爭地守空勞徐福刺舟尋雲帆
已達滄溟路休息 恩同雨露深

明熹宗小鐵斧歌

嗚呼有明紀至熹宗代太阿倒持真可慨元氣遑憐跡削

多官家但與公輸賽公輸妙藝本超羣誰料君王效法勤
修補金甌偏絕意惟將奇技壓商辛是時委鬼茄花盛暗
中久已移魁柄豈止東林失斧柯凶殘半斃忠臣命可奈
深宮祇匠才考工太熟轉堪哀斧斤那及中璫利梁棟材
能一網摧此事今逾二百載此斧偏驚依舊在鐵性空頑
喚不靈那知世屢滄桑改噫吁噫斧兮胡弗鑄劍成斬佞
臣頭致太平何爲僅博雕鏤用累爾還分亡國名

題金侍香丈山水畫冊

仿趙大年棧道圖

盤盤石棧高插天開鑿更在秦皇前亂雲直欲羆人去鈴
聲追出斜陽邊喬松百尺爭道立頭童禿自羲軒年半空

隱隱露茅屋縹緲恍覺團成烟騎驢到此力雖倦肺腑早
幸塵氛捐擬持卮酒獻上帝臣今身已同飛仙

仿黃大癡層巒疊嶂圖

霜毫能攝青山魄尺幅頓驚嵐氣塞疑是羣峰欲媚天奮
爭各獻新奇格伊誰創此黃大癡粉本久經傳自昔先生
不憚潤澤之更覺岡巒勢騰擲嶮嶮崩另無弗宣黛色競
攔天半壁恣情豈止駭山靈驚胆直須逃木客羨君邱壑
滿胸中舉筆獨將奇境闢幾時真向此圖遊醉摩峰頂吞
空碧

擬遊仙詩三十首

天籟唱徹五雲中
琪花茂桑日影紅
不信蒼蒼非正色但

看人世碧濛濛

琉璃牆鎖最高峰
隱約蓬萊路幾重
剛是身逢青鳥使
碧霄脚下紫泥封

彩鸞纖手擷蘭茝
日伴文簫住綠窗
休笑鴛鴦貪福分
仙家眷屬總成雙

瓊簫宛轉隔花吹
嶰竹聲聲入破時
珍重一編才子語
步虛猶唱庾郎詞

道家以庾信步
虛詞十首爲最

閒控花龍當六駢
星軺爭擁綠雲飛
青童隨着朝天去
只遣山君護翠微

來往惟乘赤鯉魚
紅霞爛爛上清居
琴高弟子都風雅
能讀龍威萬卷書

商略眞靈位業圖三天正法不容誣外人未解長生訣疑
是常吞六癸符

九部棋經夢裏攜爛柯山下白雲迷誰言歷過三千劫賭
到青城手恐低

听然一笑拍洪崖果是仙山處處佳消盡人間愁萬斛穩
騎白鹿走天街

丁東環珮集瓊瑰寶軸瑤簫次第開解釋眞文良不易此
中誰是揆天才

琪花瑤草幾千春紺宇琳宮一色勻畢竟神仙眞富貴排
雲樓閣盡金銀

天衣披拂霧氣氤氳宴罷歸來酒半醺遊戲不知滄海近波

光涼濺玉絲裙

蟾宮手襲桂枝溫難覓吳剛斧斫痕豈是嫦娥甘寂寞耐
寒偏向月中奔

返魂不用震靈丸消得壺中日月寬別有睡鄉堪避劫平
分清福做陳搏

管領層城十萬山漫言鎮日但清閒仙人也怕留詩債揮
灑鸞箋報阿環

盼到清秋又一年情仙竟住別離天聘貲償到何時了總
說猶虧二萬錢

玉節青幢擁絳霄和風吹送碧雲遙莫言官府人間貴天
上詩還重早朝

臞仙貌古莫相嘲素與安期是密交邀得群真來踏月夜
深攜手訪三茅

君王親與酌龍膏話到當年氣尚豪此福醉鄉真不負酒
痕猶暈翠雲袍

銀漢遙分渺渺波難將錦字寄秦娥自經弄玉吹簫後竟
把天河變愛河

萬疊峰巒洞口遮樓臺中祕好烟霞似防劉阮重尋到不
種桃花種柰花

王母筵前奉玉觴罪經小謫本荒唐插花不改當時態莫
怪人人喚酒狂

閒居也費小經營靈藥栽來計雨晴仙府原無租稅例芝

田隨意課龍耕

采來仙李大於瓶醉舉霞杯貯酒星呵筆更煩天女侍九
光燈下草新銘

方壺員嶠碧層層竟許劉安拔宅升塵世誰如雞犬福偏
隨瑤鶴共飛騰

莫向邯鄲悵舊遊吟聲飛過洞庭秋功名更覺仙人促纔
熟黃梁夢已休

塵海茫茫孰賞音沉埋豈止伯牙心何妨放浪三山裏但
挈空篋不鼓琴

新詩喜有紫雲參

妝樓記魯敢遇仙女曰嘗見紫雲娘誦君佳句

佳句憑將險字

探書徧眞妃裙八幅化爲春雨滿江南

金蟾飛影入瓊檐
渾忘寒威分外嚴
祇恐多情虛月姊
夜深猶捲水晶簾

珠光自有燭龍銜
參朮鋪芬不可芟
喚取青猿隨處刷
休教孤負此長鑱

與季平弟夜坐

海月當樓起潮聲
奪戶流詩催三徑
菊風颭一燈
秋落拓
憐青鬢浮沉笑白鷗
功名期努力珍重管城侯

省園小集

裙屐聯翩至相逢
盡酒星月光穿竹
白石氣裏雲青花
木多情種詩還仗
性靈闌干閒倚徧
醉眼爲誰醒

薇洲以近作出示爲題於後

妙在神傳阿堵中性靈學力兩難窮詩惟寫景才猶淺人
縱無愁語亦工豈易大言矜倚馬敢將小技薄雕蟲那須
李杜誇門戶自有千秋俎豆功

晚菊

一簇寒英倚水隈任他風雪詎能摧生成傲骨知難改不
到秋深不肯開

禽言

布穀布穀寒無衣飢無粟出門空倚西風哭畢竟皇天不
負人且向籠頭事耕讀

姑惡姑惡終日但聞聲嗃嗃井臼何嘗解操作巧婦難爲
無米炊莫怪我姑常不樂

脫布袴脫布袴胥吏到門先恐怖縱有苦衷不容訴豈敢
出言逢彼怒溝壑餘生安足數寒衣盡質長生庫

得過且過得過且過茅廬新被風吹破一雨先愁不能臥
只有牀前明月光夜夜照儂索綯課

泥滑滑泥滑滑吉貝未花草先茁雨後須教盡力拔手脍
足胝莫辭勞兩脚泥中健子雀

行不得也哥哥行不得也哥哥牛皮箐鑽天坡關山險阻
奈若何君不聞途人歌行船走馬三分命更有風濤江河
春去了春去了子規聲裏留華老踏青處處迷芳草樓指
行年已非少愛惜分陰須趁早

提胡盧提胡盧新釀三升舊醕百壺終年辛苦初完畢到

處醇醪隨意沽爛醉歸家不用扶此鄉寬大能容吾一任
旁人喚酒徒

示薇洲

門前一水渺滄波容易秋風悴碧蘿詩爲陶情吟莫苦藥
雖療病服休多未妨心事隨雲散姑任光陰共墨磨籬下
黃花開正好漫憑佳景等閒過

口占

無端病過九秋時轉喜清閒味許知寫景愛看摩詰畫適
情還誦放翁詩每因客到談文字不負花開仗酒卮容得
殘書翻略徧堪憐冬日亦遲遲

和聽翁

西風料峭葉聲乾俯仰原知宇宙寬
尙爲殘花尋薄醉却因新病怯嚴寒
好詩每向人前誦閒事還宜壁上觀
寫得尺書江上寄故交應亦勸加餐

讀近人詩集各系一詩

彭甘亭小謨觴館集

一卷彭宣詩字字參妙諦般若証性靈
法眼定明慧六合包須彌宗風持半偈
異想非非開穎悟得眞際塵根盡斬
除清淨憬微契勘破上下乘毒龍自能制
猶扞三昧功抗志欲忘世駕將大願船
迷津許共濟

陳雲伯頤道堂集

組織疲天孫古錦披一幅河漢耀七襄
雲霞展羅縠不用

剪刀裁無縫衣還獨五采繪山龍彰施盛繡服絲看乙乙
抽妙緒空杼柚碧落九張機皆入君卷軸要從絢爛來平
淡始非俗金針覓線痕毋徒駭心目

郭頻伽靈芬館集

澄心發妙想老筆何離奇清才賦亮特天馬不受羈偶然
事修飾亦復能入時身披錦繡服手執珊瑚枝凌波艷仙
子冰雪矜瓊姿有時摘古藻忽又羅尊彝神龍多變幻俗
子安能窺美人拾香草胎息離騷詞奇句爲搜出一一人
驚疑

新霽

淫雲堆墨散如鴉忽地晴光照萬家一徑西風捲黃葉夕

陽紅入隔溪花

寄深寫遠齋卽事

寒雲低欲壓樓臺風峭空將雪意催底事今年時節晚小
春已過菊猶開

連朝細雨溼江城忽喜西風放晚晴不覺讀書過夜半窺
窗忍負月華明

姑蘇城外感浮家一病無端歲月賒豈是江湖慣飄泊夢
中猶似在天涯

詠史和聽翁

樓櫓如雲草木驚可能衆志屹成城撤防已失三江險飛
檄猶徵萬里兵心搖粵海蛟龍勢胆破珠厓霹靂聲漢家

大有嫖姚將好向滄波掣石鯨

早起

新寒吹老五更風
靄靄晴雲展碧空
且喜隣牆瓜蔓掃朝
嗽直射紙窗紅

颶風行

庚子十月初八日遼陽大風上海沙船之在洋者
覆沒七十餘舟憫商賈之艱爲作是篇

吳頭一水遼陽通羣舟航海憑神功
凍雲忽起接蓬島那
禁狂雨兼狂風
狂風吹海海水急十丈洪濤夾船立卸帆
不及力難施滿船性命懸呼吸一波未平一波生此身真
似鴻毛輕入險出險且未暇奚遑來救他人傾吁嗟乎少

小離家爲謀食未必微利營皆得百年計較千年心用成句
人鬼無端判頃刻人生何業不可爲行舟奚止三分危吾鄉
諺語行船走古今航海幾人返聽命向若心先癡君不見
馬三分命
山頭十圍老樹風拔攝何況茫茫大海之中舟一葉

富子治丈

高臥水雲裏放懷詩酒間襟期銷俗障著述壽名山風鶴
夢猶悸沙鷗心共閒杞人憂莫結容易老朱顏

娓娓談金石雕蟲羞壯夫名齊與可竹品亞曼生壺大自製茶

壺分贈同人人以雅契及開士閒情同釣徒渭川足千畝

陳曼生司馬爲比
自愛老江湖

寄毛申甫丈 嶽生 嘉定

頻年踪跡等浮漚聞道初回海上舟問字共來揚子宅題
詩應徧仲宣樓迢遙山水孤兒淚大父海客先生殉教匪之難辛苦文
章兩髩秋何日一尊同話舊江天消盡別離愁

蓮社圖爲雷約軒葆廉題

白蓮花萬頃涼擁寺門秋結夏來初地吟詩集勝流相逢
盡知已還與話清修靜境全消暑居然丈八溝

珍重黃門派傳燈屬後賢才華原夙慧功力証枯禪掃盡
塵中事逍遙物外天遠公風雅主謂斗山人我亦有因緣

次聽翁韻

閉戶焚香坐寒難瘦骨禁烏能知雪意梅已抱春心睡味
閒隨鶴詩懷淡入琴是誰驢背上佳趣醉中尋

賦謝吳秋橈孝廉點勘拙集

少小學吟詩往往如遊騎牛鬼與蛇神方自詫奇異追習
諸大家乃知事非易詎市千秋名要難等遊戲書貴取精
華情豈容虛僞矜半喻可參野狐禪最忌此義古相沿此
理我曾試所媿才力卑讀書尤未備先生海上來幸未我
遐棄風雅別淵源居然有同嗜辛苦賜神針一一爲披示
語皆本真詮訣弗稍自秘瑕瑜剖毫釐惟冀歸純粹感茲
接引心令我喜不寐有如怯敵者臨戰將退避忽奉妙策
施賈勇遂奮臂焉知深入時竟弗擒渠帥又如東村女效
顰恒內媿頓遇物色人許以堪明媚從此果修飾何難艷
名被上將與佳姬較詩理無二先生誘我心當亦同此意

願今勤磨礪或出一頭地任將飯顆嘲漫學竹溪醉

校雲窗遺集感題

有誰遺墨惜方干心事空留字裏酸悟得浮生如夢幻豹
皮何用後人看

新薺浦上晚步

凍雲欲歸岫寒意勒橫塘殘雪簇峰白夕陽擔樹黃潮聲
爭浪急鴉陣接天長村外帘挑處風吹酒氣香

長至後一日招同喬春林丈仲博山 孫樊 朱心葵 應

陽葛恪庭小集

北風疾射雙眸酸酒兵一隊圍騷壇相期力攻愁陣破此
際壁上客誰觀醉來不復論斗石勢如鯨吸長河乾論兵

說劍互爭長將身各作千秋看爾時意氣益豪縱湖海氣
塞天地寬兼之胸橫忠孝字忍將俗學酬儒冠醉語糊塗
皆至性酒攪熱血蒸杯盤仰天大笑更奮舞驚起明月窺
雲端明月曾照古人飲不知誰似今宵歡

同人小步至安國寺

無邊落葉撼西風村路紆迴仄徑通略具蘊羹憐老衲新
開秫酒乞隣翁數聲白雁來雲外一髮青山正睡中只覺
禪堂清淨極隔林閒煞夕陽紅

出門

霜塵重裘未覺溫榜人催促暗消魂平生自訝奔波慣如
此嚴寒又出門

舟回

寥天數點曉星明
鼓櫂歸來已五更
多謝閨人能愛我
忍寒相待到鐘鳴

幽居感賦

清恨難消酒百壺
頭顱空令感今吾
風流敢附眞名士
壘斷羞爲賤丈夫
世味那須煩我領
詩腸容易被愁驅
一燈影照寒窗裡
醉墨如鴉任自塗

冬夜

紅爐煖擁栗堪煨
刀尺閨中費剪裁
愁似草生刪不盡
客如雲出散還來
驅寒酒或通宵飲
破臘花猶帶雪開
白覺小窗忙不了
殘年風景又相催

歲暮有會而作

何止長安不易居徒將夏屋詠渠渠治生誰解燒銀術有
筆空題乞米書涉世而今情愈淡求人自古願難如錢神
短盡英雄氣劉毅曾無擔石儲